


MENDI AGALEAN

■ Shisha Pangmako gailur garaiena (8.027 m.) helburu zuten 14 euskal mendiza-leetatik lau atariko tontorrera (8.008 m.) igo dira. ■ Halere, euren izena ez da hamalau zortzimilako nagusien zerrendan agertuko. ■ Carretero eta Usobiaga ez dira fin ibili.



Irudian ondo bereiz daitezke Shisha Pangmako Erdiko tontorra eta bere ekialdera tontor garaiena.

SEBASTIAN ALVARO

Atarikoan geratu da ahalegina

Lau mendizalek Shisha Pangmako Erdiko Gailurra igo dute, baina garaiena inork ez

R. OLASAGASTI / DONOSTIA

Zail da jakiten zer sentimendu ekarriko duten Shisha Pangmako gailurrera igoen saiatu diren mendizaleek. Poza? Tristura? Erdi eta erdi akaso? Bi taldetan banatutako hamalau mendizalek egin dute saioa, eta euren lau atariko tontorrera iritsi dira (8.008 m.). Bai, zortzimilako bat igo dute, baina hamalau nagusien zerrendan ez da euren izenik agertuko, eta ondorioz, espedizio honetaz hitz egiten hasi eta 'bai, baina...' hasitako esaldiak ez ote diren nagusituko gaude. Izan ere, nahiko gertu eduki dute Shisha Pangmako gailurrik garaiena ere, 8.027 metrokoa, baina biak

banatzen dituen ertza agerikoa da oso, elurroldeak direla eta, arriskutsu samarra. Horrez gain, zortzimila metroz gainta, nekea, arriskuak eta abarrak beste dimentsio batean neuritu behar dira.

Joan den ostegunean Iñaki Otxoa Olza nafarra igo zen tontorrera, oso azkar igo ere, iruisek 16 ordutan burutu baitzuen igoera. Cho Oyu igo ote zuen duda-mudan utzita, hauxe da Otxoaren lehen zortzimilakoa. Hurrengo egunean Jose Mari Artetxe bizkaitarrak eta Robert Larrandaburu zuberotarrak zapaldu zuten osoki Tibeteko dagoen zortzimilako bakarra. Beno, atariko gailurra. Igoera horri esker, zortzi kilometrotik

gorako tontor batean egon den zuberotar —eta baita ipar euskal herritar— bakarra da Larrandaburu. Artetxek, berriz, bigarren zortzimilakoa zuen hau, orain delahiru urte Cho Oyura igo baitzen.

Hurrengo sokaldiak ez zuen hainbesteko zorterik izan. Patxi Ibarbia azpeitiarrak eta Josu Feijoo gasteiztarak atzera egin behar izan zuten gailurretik metro eskasera. Atzo zortzi gertatu zen hori. Eta azken ahalegina Pello Angulo azpeitiarrak eta Josu Alcaraz gasteiztarak egin zuten. Larunbat goizaldeko 7.00etan Angulo ere atariko gailurrera heldu zen; Alcarazek, berriz, ezinean-edo etsi egin zuen gora-

ko bidean. Angulorentzat ere hau zen lehen zortzimilakoa, Hidden Peak eta Broad Peakeko saioak baitzituen gailurrean bukatu.

Horrenbestez, beste lau euskal mendizale iritsi dira atariko gailur honetara. Orain bost urte Atxo Apellaniz zenak, Juanjo San Sebastianek eta Jose Carlos Tamayok lortu zuten. Beste hiru euskal espedizio ere saiatu dira, baina ez atarikora, ez nagusira iristerik ez dute lortu. Beraz, zortzimilako errazenetakoa omen den hau eta Manaslu gertatu zaizkie gure mendizaleei hamalau nagusiak igozteko. Bi urrats hauek berandu baino lehen etorriko direla badakigu, baina orduan ere ez da bidea etengo.

Carretero zazpigarren eta Usobiaga bosgarren

R. O. / DONOSTIA

Kirol Eskaladako Munduko Junior Txapelketaren emaitzak ez dira iaz bezain onak izan. David Carretero 18 eta 19 urtekoen artean finalera sailkatu, sailkatu zen, baina hor zazpigarren postua baino ez zuen lortu. Patxi Usobiaga hobe ibili zen 14 eta 15 urtekoen mailan: eibartarra bosgarren sailkatu zen finalean.



IBILALDIAK

▼ Urriak 12

Idiazabal (Kirol Elkarte): Mendizaleen festa Ursuaranen. Garbitu eta konpondutako galtzada zaharra ikusteaz gain, festa girorik ez da faltako.

Tolosa (Peña Caracol): Berazubiko 6. zeharkaldia mendiko bizikletaz. Izen-ematea Berazubin irteeraren aurretik.

▼ Urriak 21-22

Altsasu (Mendigoizaleak): Lizara, Bisaurin. Gabardito. Sakana Mendizaleak taldekoek ere ibilaldi bera egingo dute.

Gasteiz (Gasteiz M. T.): Turzioz, Karrantza. Tel: 25 03 54.

Bergara (Pol-Pol): Huetos, Oroko Ama Birjina, Murgia.

Beasain (Aitzgorri): Otzaurte, Aizkorri.

Azpeitia (Lagun-Onak): Piriñoak. Tel: 81 20 25.

Gasteiz (Manuel Iradier): Igan-dean Zumaia-San Migel.

Antzuola (Arrola): Perretxiku bilketa eta erakusketa.

IKASTAROAK

▼ Urriak 21/21, 28/29

Donostia (Goimendi Eskola): Haitz eskalada ikastaroa Amezketa, Txindoki eta Eginon. Hastapena eta hobekuntza. Informazioa: 29 35 20.

EMANALDIAK

▼ Gaur

Gasteiz (Gasteiz M. T.): Hayal de Ponata Arabako kobazulorik handienari buruzko diapositiba emanaldia. Luis de Ajuria aretoan 20.00etan.

BIDAZTIAREN ORRIAK



● 'Este juego de fantasmas'

Joe Simpson
Desnivel argitaletxea
368 orrialde
Prezioa: 2.450 pezeta (98 libera)



● 'Rutas por Euskal Herria 2, Costa Vasca'

Tremoia Kolektiboa
Sua edizioak
110 orrialde
1.800 pezeta (72 lib.)

▼ 'Zergatik arriskutzen dira eskalatzailak?' Galdara hauxe bera egiten dio bere buruari Joe Simpson: «Behin eta berriz. 'Tocando el vacío' bere lehen liburuan heriotzarekin aurrez aurre topo egin zueneko azaltzen du eta hurrezkerako galdarak are eta kezka handiagoa sortu dio Simpsoni. Siula Granden bizitako esperientzia latzaren ostean, egileak beldurraren aurka izandako borroka kontatzen du liburu honetan. Simpsonek ez daki nortzuk diren mamuak: «Mendian hildakoak eta gomendioak ematen ari direnak, edota bizirik bi munduen arteko mugan dabilzanak».

▼ 'Rutas y paseos por parajes naturales de Euskal Herria' liburuak ukan zuen arrakastaren ondoren, Suak haren jarraipena-edo izango dena argitaratu du, baina oraingoan gure kostaldera mugatuta. Liburuan 22 ibilbide bildu dituzte Tremoia Kolektiboko egileak. Hala, beraz, aurrekoak mendiko haizea bazekarren, oraingo honen haize horren indarra galdu gabe kostaldeko brisa ere badakar. Lapurdiko Abbadia Parke Naturaletik hasi eta Kantabria mugako Cobaronen bukatu arte 22 proposamen txukun adieraziak aurkituko ditugu liburuan, mapa, datu baliagarri eta argazkiak ondo jantziak.

BELAGON KIROLAK

- ▼ Denda espezializatua mendirako materialean.
- ▼ Liburudenda eta rokodromoa barruan.

Easo, 9 Tel.: 42 22 91
DONOSTIA

— Mendiak eta Herriak —

PIRINIOAK. Goimendia asteburuetan: ibilaldiak eta eskalada. Azarotik apirila arte

AKONKAGUA. Bi irteera: 95.12.16/96.01.08 - 96.01.07/96.02.04

TUPUNGATO. (6.550m) + Ojos del Salado (6.840m) - Txile. 95.12.16/96.01.07

-ERRO BIDAIAK- Tel.: Donostia (943) 31 02 41 - Irun 61 51 77